

DATA	13/02/2009
Nº	260

1024 RBF/mcm

Examinado o expediente tramitado para a contratación da execución da obra denominada "VIAL NO POLÍGONO INDUSTRIAL A MARISQUEIRA", a adxudicar mediante procedemento aberto con multiplicidade de criterios de valoración.

ANTECEDENTES

1. Con data 12 de novembro de 2008, mediante a resolución nº 2215, da Concelleira Delegada de Economía, Facenda, Réxime Interior e Seguridade, apróbase o expediente de contratación mediante procedemento aberto con multiplicidade de criterios de valoración da obra denominada "vial no polígono industrial A Marisqueira".

2. A tal efecto publícanse anuncios no diario La Voz de Galicia en data 16 de novembro e no BOP nº 290 de data 18 de decembro e no perfil de contratante solicitando ofertas de empresas capacitadas para a súa realización.

3. A Mesa Xeral de contratación en sesión celebrada o día 7 de xaneiro de 2009, analiza a documentación administrativa, e acorda admitir as ofertas presentadas por CRC OBRAS Y SERVICIOS, S.L; UTE CANARGA-INSTELEC; JESUS MARTINEZ CONSTRUCCIOENS, S.A.- UTE PONCIANO NIETO-ASOGAL-GAUXS; IBERSILVA S.A.U. e non admitir a oferta presentada por COPICSA. Esta oferta foi recibida por correo con posterioridade á data de hora de terminación do prazo sen que o órgano de contratación recibira antes de tal data o anuncio ao órgano de contratación da remisión da oferta mediante télex, fax ou telegrama o mesmo día, de conformidade co establecido no artigo 80.4 do regulamento da lei de contratos das administracións públicas aprobado mediante Real decreto 1098/2001.

A continuación procédese á apertura das ofertas técnicas presentadas, acordando remitilas aos servizos técnicos municipais que deberán emitir un informe técnico debidamente motivado respecto dos factores de adxudicación, agás os criterios cuantificábeis de xeito automático (oferta económica e proposta de redución de prazos).

4. Visto o informe emitido o 12 de xaneiro de 2009 polo Técnico Municipal D. Edmundo Varela Lema, a Mesa Xeral de contratación en sesión de 23 de xaneiro de 2009, procede á apertura das ofertas económicas e de redución de prazos. Analizadas as ofertas determínase a oferta máis vantaxosas para esta Administración en base aos criterios establecidos nos pregos de condicións administrativas particulares de aplicación, a Mesa de Contratación, en sesión de 4 de febreiro de 2009, formula proposta de adxudicación a favor da empresa IBERSILVA, S.A.U.

CONSIDERACIÓNS XURÍDICAS

1. O artigo 144 da lei 30/2007, pola que se aproba a lei de contratos do sector público (en adiante, LCSP), establece que no procedemento aberto con multiplicidade de criterios de valoración, a adxudicación recaerá no licitador xustificadamente elixido polo órgano de contratación, á vista da proposta pola Mesa de Contratación unha vez ponderados os criterios de selección establecidos no PCAP.

DATA	13/02/2009
Nº	260

2. O artigo 135 LCSP establece que a adxudicación provisional acordarase polo órgano de contratación en resolución motivada.

En base a todo o que

RESOLVO:

PRIMEIRO.- Declarar a validez do acto celebrado.

SEGUNDO.- Non admitir ao procedemento de contratación a oferta presentada por COPICSA, por recibirse con posterioridade á data de hora de terminación do prazo establecido incumprindo as condicións de xustificación da data de imposición do envío en Correos e do anuncio ao órgano de contratación da remisión da oferta mediante télex, fax ou telegrama o mesmo día, de conformidade co establecido no artigo 80.4 do regulamento da lei de contratos das administracións públicas aprobado mediante Real decreto 1098/2001.

TERCEIRO.- Adxudicar provisionalmente a obra "VIAL NO POLIGONO INDUSTRIAL A MARISQUEIRA" á empresa IBERSILVA, S.A.U., con CIF A-21294780, por ser a que presenta unha mellor oferta considerando os criterios de adxudicación establecidos, fixando o prezo en 703.226,05 €, IVE incluído, (orzamento base: 606.229,35 €; IVE: 606.229,35 €) e o prazo de execución en 90 DIAS.

CUARTO.- Requirit ao adxudicatario provisional para que, durante o prazo de 15 días hábiles contados dende o seguinte a aquel en que a adxudicación provisional se publique no perfil de contratante do órgano de contratación, presente a seguinte documentación:

a) Documentación xustificativa de estar ao corrente no cumprimento das súas obrigas tributarias e coa Seguridade Social. Non estará obrigado a achegar as certificacións positivas indicadas anteriormente no caso de que autorizase a cesión da información tributaria que se indica na cláusula 10. Ambas as circunstancias poderán tamén acreditarse mediante o achegamento do certificado expedido polo Rexistro de Licitadores que acredite os anteriores extremos.

b) Xustificante de estar dado de alta no Imposto sobre Actividades Económicas e ao corrente no pagamento do mesmo, achegando para o efecto copia da carta de pagamento do último exercicio, á que se acompañará unha declaración responsable de non estar dado de baixa na matrícula do citado imposto. No caso de estar exento deste imposto presentarán declaración xustificativa ao respecto.

c) Documento acreditativo de ter constituído a garantía definitiva por importe do 5 por cento do importe de adxudicación, excluído o imposto sobre o valor engadido, por calquera dos medios a que se refire o art. 84 da LCSP.

QUINTO.- Comunicar ao adxudicatario provisional que, en cumprimento da cláusula 28 do prego de cláusulas administrativas particulares, antes da formalización do contrato deberá aboar en concepto de anuncios de licitación as seguintes cantidades:

DATA	13/02/2009
Nº	260

BOP nº 290 de 18/12/2008 : 255,96 €
 La Voz de Galicia, 16/11/2008 : 788,80 €

SEXTO.- Comunicar ao adxudicatario provisional que, unha vez transcorrido o prazo establecido no parágrafo segundo, se non se procedese á adxudicación definitiva do contrato a quen resultara adxudicataria provisional por non cumprir as condicións necesarias para isto, a Corporación procederá a efectuar unha nova adxudicación provisional ás interesadas seguintes a aquela, por orde de clasificación das súas ofertas na valoración, sempre que isto fose posible.

SETIMO.- De conformidade co disposto polo artigo 135.3 LCSP, notificar a presente resolución aos licitadores e publicar a adxudicación provisional no perfil de contratante do órgano de contratación, establecendo o prazo de cinco días hábiles a partir de tal publicación para facilitar información aos licitadores interesados sobre os motivos de rexeitamento da súa proposición e das características da proposición do adxudicatario que foron determinantes da adxudicación ao seu favor.

Contra o presente acto administrativo de trámite, cualificado en canto decide directa ou indirectamente o fondo do asunto, poderá interpoñerse recurso potestativo de reposición ante a Alcaldía-Presidencia, no prazo dun mes a contar desde o día seguinte ao da notificación do presente acto, ao abeiro do establecido no artigo 117.1 da Lei 30/1992, de 26 de novembro; ou ben, directamente, recurso contencioso-administrativo ante o Xulgado do Contencioso- Administrativo da Coruña que corresponda, no prazo de dous meses, desde o día seguinte ao da recepción da presente notificación, de acordo co establecido nos artigos 8.1 e 46.1 da Lei 29/1998, de 13 de xullo.

Non poderá interpoñerse recurso contencioso-administrativo, se se interpuxera o potestativo de reposición, en tanto non se resolva expresamente ou se produza a desestimación presunta do mesmo polo transcurso do prazo dun mes desde a súa interposición, de acordo co establecido no artigo 117.2 da Lei 30/1992, de 26 de novembro.

Neste caso, o prazo para a interposición do recurso contencioso-administrativo será de dous meses desde a resolución expresa do recurso, a contar desde o día seguinte ao da notificación do mesmo; ou ben, seis meses, a contar desde o día seguinte en que deba entenderse desestimado por silencio administrativo o citado recurso potestativo de reposición.

En todo caso, poderá interpoñer calquera outro recurso que estime conveniente para a defensa dos seus intereses.

Culleredo, 12 de febreiro de 2009
 A proposta de
 O xefe de sección de xestión
 orzamentaria

Conforme coa proposta, elévase a resolución
 Culleredo,
 A concelleira delegada de economía, facenda, réxime
 interior e seguridade

Asdo/ Roberto Babío Fernández

Asdo./ Alicia Ferreiro Varela
 (Resolución nº 1210/07 de data 2 de xullo de 2007; BOP nº176 , de 1/8/2007)

Dou fe,
 O/a secretario/a xeral

Intervenido e conforme,
 O interventor accidental

Asdo/

Asdo/ Roberto Babío Fernández